



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04) i člana 5. Pravilnika o dodjeli jednokratne novčane pomoći za finansiranje troškova nabavke GPS narukvica za djecu i osobe sa invaliditetom i poteškoćama u razvoju broj:09/B-11-3800/24 od 17.09.2024.godine, Općinski načelnik objavljuje

JAVNI POZIV

za dodjelu jednokratne novčane pomoći za finansiranje troškova nabavke GPS narukvica za djecu i osobe sa invaliditetom i poteškoćama u razvoju

1. PREDMET JAVNOG POZIVA

Predmet ovog Javnog poziva je dodjela jednokratne novčane putem finansiranja troškova nabavke GPS narukvica za djecu i osobe sa invaliditetom i poteškoćama u razvoju.

2. FINANSIJSKA SREDSTVA

Sredstva za dodjelu jednokratne pomoći su planirana Budžetom Općine Centar Sarajevo za 2024. godinu i raspoređivat će se u skladu sa odredbama Pravilnika o dodjeli jednokratne novčane pomoći za finansiranje troškova nabavke GPS narukvica za djecu i osobe sa invaliditetom i poteškoćama u razvoju broj:09/B-11-3800/24 od 17.09.2024.godine.

3. UVJETI ZA OSTVARIVANJE PRAVA NA JEDNOKRATNU NOVČANU POMOĆ

Pravo na dodjelu jednokratne novčane pomoći putem finansiranja troškova nabavke GPS narukvica za djecu i osobe sa invaliditetom i poteškoćama u razvoju se ostvaruje pod sljedećim uvjetima:

- Da su roditelji/staratelji i dijete odnosno osoba sa invaliditetom i poteškoćama u razvoju državljani BiH;
- Da podnosilac zahtjeva i dijete odnosno osoba sa invaliditetom i poteškoćama u razvoju žive u zajedničkom domaćinstvu na području općine Centar Sarajevo;
- Da dijete odnosno osoba sa invaliditetom i poteškoćama u razvoju ima preporuku ljekara specijaliste na osnovu koje se može utvrditi potreba za kupovinom GPS narukvice;

4. POTREBNA DOKUMENTACIJA

Podnosioci zahtjeva za dodjelu jednokratne novčane po ovom Javnom pozivu dužni su dostaviti sljedeću dokumentaciju:

- Kućna lista;
- Preporuka ljekara specijaliste na osnovu koje se može utvrditi potreba za kupovinom GPS narukvice;
- Predračun za nabavku GPS narukvice;
- Dokaz o starateljstvu ukoliko je osoba pod starateljstvom;

Dokumentacija koju će organ pribaviti po službenoj dužnosti:

- Prijave mjesta prebivališta za roditelja/staratelja kao i dijete odnosno osobu sa invaliditetom i poteškoćama u razvoju ;
- Rodni list za dijete ukoliko se nabavka odnosi za dijete;

5. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren do kraja tekuće budžetske godine ili do utroška planiranih budžetskih sredstava.

Zahtjev sa potrebnom dokumentacijom se podnosi Službi za boračko-invalidsku i socijalnu zaštitu -Odsjek za socijalnu zaštitu, putem Protokola Općine Centar Sarajevo, Mis Irbina 1.

Zahtjevi će se rješavati po redoslijedu podnošenja.

Služba je dužna u roku od 30 dana do maksimalno 60 dana od dana podnošenja riješiti zahtjev i o tome obavijestiti podnosioca.

Dodatne informacije se mogu dobiti na broj telefona: 033/562-447.

NAPOMENA: Korisnici koji ostvare pravo po ovom Javnom pozivu, dužni su dodijeljena budžetska sredstva pravdati na način koji će biti utvrđen aktom o dodjeli sredstava.

Broj:09/B-11-3800/24

Datum:

Općinski načelnik

Srđan Mandić

